

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet br.8, telefon 049 218-220, faks 049 490-276
Ислахијет бр.8, телефон 049 218-220, факс 049 490-276
www.revizija-bd.ba

Broj: 01-02-03-13-151/21
R: 08-1; 010-1/21

**IZVJEŠTAJ
O REVIZIJI FINANSIJSKOG POSLOVANJA
Policije Brčko distrikta BiH
za period 01.01.-31.12.2020. godine**

Brčko, maj 2021. godine

SADRŽAJ

NEOVISNO REVIZORSKO MIŠLJENJE	3
1. REZIME DATIH PREPORUKA.....	5
2. UVOD	6
3. OPĆI DIO	6
4. PREDMET, CILJ I OBIM REVIZIJE	7
5. OSVRT NA NALAZE I PREPORUKE IZ PRETHODNE REVIZIJE	7
6. NALAZI I PREPORUKE.....	8
6.1. RUKOVODSTVO I SISTEM INTERNIH KONTROLA	8
6.2. PLAN I REALIZACIJA PLANOM PREDVIĐENIH ZADATAKA	9
6.3. PLANIRANJE I IZVRŠENJE TEKUĆEG I KAPITALNOG BUDŽETA	9
6.3.1. Izdaci za bruto plate i naknade troškova zaposlenih.....	10
6.3.2. Izdaci za materijal i usluge.....	10
6.4. KAPITALNI BUDŽET	11
6.5. JAVNE NABAVKE.....	11
6.6. POPIS SREDSTAVA I OBAVEZA	11
6.7. OSTALI NALAZI - AKTIVNOSTI VEZANE ZA COVID-19	12
7. KOMENTAR.....	14
8. PRILOG	15

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet br.8, telefon 049 218-220, faks 049 490-276
Ислахијет бр.8, телефон 049 218-220, факс 049 490-276
www.revizija-bd.ba

POLICIJA BRČKO DISTRIKTA BiH

n/r šefa Policije

NEOVISNO REVIZORSKO MIŠLJENJE

Predmet revizije

Izvršili smo reviziju finansijskog poslovanja Policije Brčko distrikta BiH (u daljnjem tekstu: Policija) za period 01.01.–31.12.2020. godine, te reviziju usklađenosti poslovanja sa važećim zakonskim i drugim relevantnim propisima.

Odgovornost rukovodstva

Šef Policije je odgovoran za finansijsko poslovanje Policije i usklađenost poslovanja sa važećim zakonskim i drugim relevantnim propisima. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje nastanka materijalno značajnih grešaka u finansijskom poslovanju Policije.

Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH („Službeni glasnik Brčko distrikta BiH“, broj: 18/18 – prečišćen tekst), Odlukom o preuzimanju, primjenjivanju i objavljivanju prevoda okvira Međunarodnih standarda VRI („Službeni glasnik Brčko distrikta BiH“ broj: 31/18). Ovi standardi nalažu da radimo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno sa važećim zakonskim i drugim relevantnim propisima.

Revizija uključuje sprovođenje postupka u cilju pribavljanja revizorskih dokaza o usklađenosti finansijskog poslovanja. Izbor postupka je zasnovan na revizorskom prosuđivanju, uključujući procjenu rizika materijalno značajnih pogrešaka u finansijskom poslovanju. Prilikom procjene rizika, revizor razmatra interne kontrole koje su relevantne za finansijsko poslovanje, u cilju osmišljavanja revizorskih postupaka koji su odgovarajući u datim okolnostima i zadovoljavaju standarde revizije.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Pozitivno mišljenje

Po našem mišljenju u finansijskom poslovanju Policije u periodu 01.01.–31.12.2020. godine, nema značajnih neusaglašenosti s važećim zakonskim propisima kao i planiranim pozicijama budžeta.

Zamjenici glavnog revizora

Amra Ilić, dipl. oec.

mr. sci. Savo Grujić, dipl. oec.

Glavni revizor

Nekir Suljagić, dipl. oec.

1. REZIME DATIH PREPORUKA

Potrebno je, da Policija preduzima aktivnosti na otklanjanju i prevazilaženju propusta i nepravilnosti utvrđenih u revizorskim izvještajima finansijskog poslovanja prethodnih godina.

Potrebno je, u cilju efikasnijeg poslovanja, uspostaviti sistem internih kontrola koji će eliminisati slabosti i doprinijeti efikasnom ostvarivanju ciljeva Policije.

Potrebno je da Odbor za praćenje implementacije Strateškog plana Policije Brčko distrikta BiH 2019–2023. godine, analizira izvještaje jedinica Policije, u skladu sa Programom rada Policije za 2020. godinu.

Potrebno je organizovanje rada u dežurstvu i pripravnosti regulisati podzakonskim aktom, u skladu sa članom 30 Zakona o platama i naknadama zaposlenih u Policiji Brčko distrikta BiH.

Potrebno je efikasno raspolagati sredstvima odobrenih Budžetom za 2020. godinu, kako je to predviđeno članom 10 stav 2. Zakona o izvršenju budžeta Brčko distrikta BiH za 2020. godinu.

Potrebno je blagovremeno pokretati postupke nabavki roba i usluga u skladu sa Planom nabavki roba i usluga.

Potrebno je izvršiti preknjižavanje datih vozila iz svoje evidencije stalnih sredstava u evidenciju stalnih sredstava korisnika motornih vozila.

NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA POLICIJE BRČKO DISTRIKTA BiH ZA 2020. GODINU

2. UVOD

Obavili smo reviziju finansijskog poslovanja Policije na osnovu ovlaštenja datih Zakonom o reviziji javne uprave i institucija u Brčko distriktu BiH i drugim relevantnim propisima, kao i na osnovu godišnjeg Plana revizija. Revizija je obavljena primjenom adekvatnih revizijskih metoda i primjenljivim standardima revizije.

3. OPĆI DIO

Policija, u skladu sa Statutom Brčko distrikta BiH, Zakonom o policiji i drugim zakonskim i podzakonskim aktima, obavlja poslove iz svoje nadležnosti:

- zaštite života i imovine,
- zaštite ljudskih prava i sloboda građana zagarantovanih Ustavom BiH i Statutom Brčko distrikta BiH,
- sprečavanja, otkrivanja i istraživanja krivičnih djela i prekršaja koji nisu u isključivoj nadležnosti drugih policijskih organa BiH,
- poslove i zadatke koji se odnose na održavanje javnog reda i mira, osiguranja određenih ličnosti i objekata u Distriktu,
- poslove i zadatke koji se odnose na održavanje javnih skupova,
- poslove sigurnosti saobraćaja na putevima Distrikta i drugi poslovi u oblasti sigurnosti saobraćaja utvrđeni zakonom,
- poslove kontrole nabavke, držanja i nošenja oružja i municije i vođenja propisanih evidencija,
- druge poslove i zadatke koje Policiji povjeri tužilac Distrikta i druga tužilaštva u BiH,
- poslove koji se odnose na oblast proizvodnje, prometa i skladištenja eksplozivnih materija, koji su u nadležnosti Distrikta,
- poslove koji se odnose na rad agencija za zaštitu ljudi i imovine,
- provođenja propisa o oružju i municiji,
- inspekcijskog nadzora u oblastima iz svoje nadležnosti,
- upravnih i drugih stručnih poslova utvrđenih zakonom ili drugim propisima,
- drugih poslova i zadataka stavljenih u njenu nadležnost u skladu sa zakonom.

Planirani zadaci Policije izvršavani su kroz operativne, stručne, administrativne, pravne i druge aktivnosti, a kojima se obezbjeđuje: zaštita života i lična sigurnost građana, provođenje Ustava i zakona BiH, Statuta Brčko distrikta BiH i ostalih zakona Brčko distrikta BiH, u cilju ostvarivanja zakonitog, blagovremenog i ekonomičnog izvršenja svih poslova iz nadležnosti Policije, postizanje potpunog korištenja svih resursa koji stoje na raspolaganju, potpune odgovornosti zaposlenika i maksimalno korištenje njihovih znanja i kvalifikacija, kao i unapređenja saradnje sa drugim policijskim agencijama i organima Bosne i Hercegovine.

Poslovi Policije obavljaju se u okviru slijedećih organizacionih jedinica:

- Kabinet šefa policije,

- Jedinica opšte policije,
- Jedinica saobraćajne policije,
- Jedinica kriminalističke policije,
- Jedinica za istraživanje ratnih zločina,
- Jedinica za podršku,
- Operativno komunikacijski centar,
- Jedinica za profesionalne standarde,
- Jedinica za administrativnu podršku i logistiku.

Organizacionim planom Policije je predviđeno 333 zaposlena, a na dan 31.12.2020. godine bilo je 310 zaposlenika.

4. PREDMET, CILJ I OBIM REVIZIJE

Predmet revizije je finansijsko poslovanje u 2020. godini, u dijelu planiranja i izvršenja budžeta, ocjena sistema internih kontrola, kao i usklađenost poslovanja sa zakonskim i drugim relevantnim propisima.

Cilj revizije finansijskog poslovanja Policije je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu sa zakonskim važećim propisima, kao i primjerenog ponašanja rukovodioca nad sredstvima i imovinom Brčko distrikta BiH. Pored toga revizija je planirana i izvršena sa ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad sa posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

Obim revizije je utvrđen internim planskim dokumentima revizije.

Obzirom da se revizija obavlja provjerama na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

5. OSVRT NA NALAZE I PREPORUKE IZ PRETHODNE REVIZIJE

Ured–Kancelarija za reviziju javne uprave i institucija u Brčko distriktu BiH (u daljem tekstu: Ured–Kancelarija za reviziju), je u skladu s nadležnostima datim članom 13. Zakona o reviziji javne uprave i institucija u Brčko distriktu BiH („Službeni glasnik Brčko distrikta BiH“, broj: 18/18 – prečišćen tekst), izvršio reviziju finansijskog poslovanja Policije za 2019. godinu i dostavio konačan Izvještaj broj: 01-02-03-13–306/20, s preporukama za preduzimanje određenih aktivnosti na otklanjanju nedostataka i unapređenju poslovanja. Policija je u cilju otklanjanja određenih nepravilnosti, sačinila Program mjera za implementaciju nalaza i preporuka po revizorskom Izvještaju za 2019. godinu, broj: 14.04.1-13-55076/20, te isti u propisanom roku, dostavila Uredu–Kancelariji za reviziju.

Uvidom u preporuke date u Izvještaju o obavljenoj reviziji za prethodnu godinu i u vezi s tim, preduzete aktivnosti, utvrdili smo slijedeće:

- **Realizovane preporuke**

Program mjera za prevazilaženje propusta i nepravilnosti utvrđenih u revizorskom izvještaju dostavljen je Uredu za reviziju u predviđenom roku, shodno odredbama Zakona o reviziji javne uprave i institucija u Brčko distriktu BiH.

Usvojen je novi Poslovnik o radu policijskog odbora koji je usklađen s odredbama Zakona o policijskim službenicima Brčko distrikta BiH.

- **Realizacija preporuka u toku:**

U cilju efikasnijeg poslovanja u toku je aktivnost oko uspostavljanja, funkcionisanja i nadzora sistema interne kontrole.

- **Nerealizovane preporuke:**

Usaglašavanje odredaba Zakona o policijskim službenicima Brčko distrikta BiH sa Zakonom o platama i naknadama zaposlenih u Policiji Brčko distrikta BiH, u cilju određivanja jednakih uslova za isplatu trajnog dodatka i dodatka na platu za posebne uslove rada prilikom isplate plate za vrijeme suspenzije policijskih službenika.

Izrada podzakonskih akata, shodno odredbama Zakona o prometu eksplozivnih materija i zapaljivih tekućina i plinova.

Izrada Nacrta zakona o izmjenama i dopunama Zakona o oružju i municiji u Brčko distriktu BiH.

Potrebno je, da Policija preduzima aktivnosti na otklanjanju i prevazilaženju propusta i nepravilnosti utvrđenih u revizorskim izvještajima finansijskog poslovanja prethodnih godina.

6. NALAZI I PREPORUKE

6.1. Rukovodstvo i sistem internih kontrola

Revizija obuhvata ocjenu sistema internih kontrola, sa naglaskom na funkcionisanje internih kontrola kroz realizaciju programa rada, planiranja i izvršenja budžeta, te usklađenost poslovanja sa zakonskim i podzakonskim aktima.

Na osnovu provedene revizije značajnih procesa poslovanja, izvršili smo procjenu uspostavljanja, funkcionisanja i nadzora sistema internih kontrola. Odgovornost za uspostavljanje i primjenu sistema internih kontrola je na rukovodstvu Policije.

Ustanovili smo da sistem internih kontrola nije funkcionisao u dijelu:

- analiziranja izvještaja jedinica Policije od strane Odbora za praćenje implementacije Strateškog plana Policije Brčko distrikta BiH 2019–2023. godine, u skladu sa Programom rada Policije za 2020. godinu,

- organizovanje rada u dežurstvu i pripravnosti, u skladu sa članom 30 Zakona o platama i naknadama zaposlenih u Policiji Brčko distrikta BiH,
- efikasnog raspolaganja sredstvima odobrenih budžetom, kako je to predviđeno članom 10 stav 2. Zakona o izvršenju budžeta Brčko distrikta BiH za 2020. godinu,
- preknjižavanja vozila datih na korištenje drugim odjeljenjima, iz evidencije stalnih sredstava Policije u evidenciju stalnih sredstava korisnika motornih vozila.

Potrebno je, u cilju efikasnijeg poslovanja, uspostaviti sistem internih kontrola koji će eliminisati slabosti i doprinijeti efikasnom ostvarivanju ciljeva Policije.

6.2. Plan i realizacija planom predviđenih zadataka

Policija je, u skladu sa svojim nadležnostima, koje su propisane članovima 12 i 22 stav 1 tačka m) Zakona o Policiji Brčko distrikta BiH („Službeni glasnik Brčko distrikta BiH“, broj: 18/2020 – prečišćen tekst), izradila Program rada za 2020. godinu, koji obuhvata četiri strateška cilja. Programom rada su određeni kriteriji za ocjenu uspješnosti, nosioci aktivnosti i njihovi opšti zadaci. U cilju analize dostignutog stepena realizacije ciljeva utvrđenih Programom rada Policije Brčko distrikta BiH za tekuću godinu, organizacione jedinice su dužne, na kvartalnom nivou, izvještavati o ostvarenim rezultatima, poredeći trenutne vrijednosti sa mjerljivim pokazateljima uspješnosti iskazanim u odnosu na višegodišnji prosjek 2015–2019. godina.

U završnim odredbama Programa rada Policije Brčko distrikta BiH definisana je obaveza Odbora za praćenje implementacije Strateškog plana Policije Brčko distrikta BiH za period 2019–2023. godine (u daljem tekstu: Odbor) da na sjednicama, kvartalno, analizira izvještaje jedinica Policije o ostvarenim rezultatima rada.

Revizijom smo ustanovili da zbog nemogućnosti održavanja sjednica, usljed donesenih epidemioloških mjera i samoizolacije pojedinih članova Odbora, nije vršena analiza ostvarenih rezultata u tekućoj godini. Poštujući preporuke Kriznog štaba, neophodno je analizirati ostvarene rezultate svih jedinica, u skladu sa navedenim odredbama Programa rada Policije Brčko distrikta BiH.

Potrebno je da Odbor za praćenje implementacije Strateškog plana Policije Brčko distrikta BiH 2019–2023. godine, analizira izvještaje jedinica Policije, u skladu sa Programom rada Policije za 2020. godinu.

6.3. Planiranje i izvršenje tekućeg i kapitalnog budžeta

Tekući izdaci Policije za 2020. godinu odobreni su budžetom u iznosu od 13.410.058,02 KM, a izvršeni u iznosu od 11.518.509,73 KM, što predstavlja 85,89% izvršenja plana (tabela broj 1 u Prilogu Izvještaja).

6.3.1. Izdaci za bruto plate i naknade troškova zaposlenih

Plate i naknade troškova zaposlenih u Policiji su planirane u iznosu od 10.420.390,67 KM, a do 31.12.2020. godine su ostvarene u iznosu od 9.626.010,45 KM, odnosno 92,38% od planiranog iznosa.

Odredbama člana 30 (Dodatak na platu za vrijeme provedeno na radu) stavom 4 Zakona o platama i naknadama zaposlenih u Policiji Brčko distrikta BiH („Službeni glasnik Brčko distrikta BiH“, broj: 08/19, 10/19 i 39/20) predviđeno je da u slučaju nemogućnosti obezbjeđenja minimuma rada i zaštite redovnim radom u toku 24 sata, Policija može organizovati rad u dežurstvu i organizovati pripravnost, a stavom 5 istog člana Zakona je propisano da organizovanje dežurstva i pripravnosti kao posebnog oblika organizovanja rada, kao i radna mjesta iz stava 4 ovog člana se utvrđuje podzakonskim aktom, uz prethodnu saglasnost Vlade.

Revizijom smo utvrdili da nisu donesena podzakonska akta koja se odnose na organizovanje rada u dežurstvu i pripravnosti, kao posebnog oblika organizovanja rada, što nije u skladu sa odredbama člana 30 Zakona o platama i naknadama zaposlenih u Policiji Brčko distrikta BiH.

Potrebno je organizovanje rada u dežurstvu i pripravnosti regulisati podzakonskim aktom, u skladu sa članom 30 Zakona o platama i naknadama zaposlenih u Policiji Brčko distrikta BiH.

6.3.2. Izdaci za materijal i usluge

Izdaci za materijal i usluge su planirani u iznosu od 2.099.299,00 KM, a izvršeni u iznosu od 1.082.038,73 KM ili 51,54% u odnosu na planirana budžetska sredstva.

Procent izvršenja budžeta od 51,54% je znatno niži u odnosu na planirana budžetska sredstva za materijal i usluge u 2020. godini zbog kašnjenja sa objavom tendera (materijal za popravku i održavanje zgrada, opreme i vozila, usluge čišćenja, usluge održavanja zgrada, liftova, i drugo). Takođe, do odstupanja je došlo jer nije bilo značajnijih kvarova na opremi, kao što su ručni i stacionarni radari, kamere, alkohol aparati, aparati za kopiranje i drugo. Zatim, prijem novih kadeta nije završen na vrijeme, a takođe i ostale planirane obuke policijskih i državnih službenika nisu obavljane usljed epidemiološke situacije. S obzirom da nije došlo ni do planiranog preseljenja u novu zgradu Policije BD BiH, ostala su neutrošena sredstva za usluge čišćenja, održavanja i servisiranja.

Odredbama člana 10, stav 2 Zakona o izvršenju budžeta Brčko distrikta BiH za 2020. godinu je propisano da su budžetski korisnici odgovorni, između ostalog, i za efikasnost u raspolaganju budžetskim sredstvima koja su im odobrena Budžetom za 2020. godinu.

Nizak procent izvršenja odobrenog tekućeg budžeta kod pojedinih pozicija je neefikasno raspolaganje sredstvima koja su odobrena Budžetom za 2020. godinu, što nije u skladu sa članom 10, stav 2 Zakona o izvršenju budžeta Brčko distrikta BiH za 2020. godinu. Neutrošena sredstva su trebala biti oslobođena za potrebe rebalansa budžeta.

Potrebno je efikasno raspolagati sredstvima odobrenih Budžetom za 2020. godinu, kako je to predviđeno članom 10 stav 2. Zakona o izvršenju budžeta Brčko distrikta BiH za 2020. godinu.

6.4. Kapitalni budžet

Budžet kapitalnih potreba za period 2018–2020. godina je planiran za realizaciju 96 projekata u iznosu od 6.985.053,00 KM, a u periodu 01.01–31.12.2020. godine izvršen u iznosu od 3.287.741,59 KM ili 47,07% planiranog iznosa. (Tabela 2. u Prilogu Izvještaja). Neurošena sredstva za navedeni period iznose 3.697.311,70 KM.

Budžetom za 2018. godinu odobrena su sredstva u iznosu od 1.326.020,55 KM, a izvršena u iznosu od 1.294.768,53 KM ili 97,64% u odnosu na planirana sredstva.

Zatim, za 2019. godinu odobrena su sredstva u iznosu od 3.490.000,00 KM a izvršena u iznosu od 1.462.971,75 KM ili 41,92% izvršenje plana.

Za 2020. godinu su odobrena sredstva u iznosu od 2.169.032,74 KM, a izvršena u iznosu od 530.001,31 KM ili 24,43% izvršenje plana. Neurošena sredstva se najvećim dijelom odnose na nabavku tehničke opreme za novu zgradu Policije.

6.5. Javne nabavke

Planom nabavki roba i usluga Policije za 2020. godinu planirana je nabavka roba i usluga u okviru operativnog i kapitalnog budžeta. Od ukupno predviđenih 117 postupaka nabavke realizovano je 65, u toku je realizacija 18 postupaka nabavki a 34 postupka nabavki roba i usluga (ili 30% od ukupno planiranih) nisu pokrenuta do kraja 2020. godine.

S obzirom da nije došlo do preseljenja u novu zgradu Policije, pojedini postupci nabavki roba i usluga koji su se odnosili na istu nisu pokretani zbog toga što nije bilo potrebe za tim (kao npr. održavanje tehničkih sistema i dr.). Međutim, evidentno je da određeni broj postupaka nabavke nije pokrenut na vrijeme, te se pojedini nisu mogli okončati do kraja 2020. godine.

Potrebno je blagovremeno pokretati postupke nabavki roba i usluga u skladu sa Planom nabavki roba i usluga.

6.6. Popis sredstava

Policija je donijela Odluku o imenovanju komisije za popis stalnih sredstava, sitnog inventara, zaliha materijala, potraživanja i obaveza broj 14.04-13-1978/20 od 29.10.2020. godine, sa zadatkom da, u skladu s Uputstvom o radu popisnih komisija i obavljanju popisa sredstava, potraživanja i obaveza, sačini plan rada i izvrši popis u Odjeljenju, sa stanjem na dan 31.12.2020. godine, te da Izvještaj o izvršenom popisu usaglasi sa Direkcijom za finansije i dostavi Centralnoj popisnoj komisiji.

Na osnovu odluka gradonačelnika, Policija je dala na korištenje 14 putničkih motornih vozila, koja su dodijeljena odjeljenjima koja su iskazala potrebu za istim.

Uvidom u popisne liste Policije i s tim u vezi Registar stalnih sredstava Direkcije za finansije, utvrdili smo da se dodijeljena vozila i dalje vode u evidenciji stalnih sredstava Policije na

ekonomskom kodu motorna vozila, odnosno, nije izvršeno preknjižavanje - prijenos iz evidencije stalnih sredstava Policije u evidenciju stalnih sredstava odjeljenja koja koriste vozila.

Potrebno je da Policija izvrši preknjižavanje datih vozila iz svoje evidencije stalnih sredstava Policije u evidenciju stalnih sredstava korisnika motornih vozila.

6.7. OSTALI NALAZI – Aktivnosti vezane za pandemiju virusa COVID-19

Na osnovu preporuka Pododjeljenja za javno zdravstvo, Vlada Brčko distrikta BiH je dana 28.02.2020. godine donijela Zaključak i utvrđena su zaduženja na osnovu kojih je Policija započela aktivnosti koje su propisane Zakonom o zaštiti i spašavanju ljudi i materijalnih dobara od prirodnih i drugih nesreća u Brčko distriktu BiH i Zakonom o zaštiti stanovništva od zaraznih bolesti.

Odlukom Vlade Brčko distrikta BiH broj: 02-000049/20 od 13.03.2020. godine šef Policije je imenovan u Štab za zaštitu i spašavanje Brčko distrikta BiH, kao član Štaba za bezbjednost. U cilju što efikasnijeg izvršavanja naredbe Štaba na otklanjanju prijetnji uzrokovanih stanjem prirodne nesreće zbog zarazne bolesti-koronavirusa (COVID-19), a imajući u vidu da je zaštita života građana ključna aktivnost iz nadležnosti rada Policije, mobilizirani su svi resursi Policije u skladu s vlastitim planom. U tom kontekstu policijski službenici su bili angažovani na: zaprimanju prijave u vezi sa pandemijom koronavirusa, kontroli radnog vremena poslovnih subjekata, pružanju pomoći Inspektoratu Brčko distrikta BiH prilikom uručenja rješenja licima o stavljanju u izolaciju, kontroli poštivanja izdatih rješenja o izolaciji, kontroli poštivanja naredbi o ograničavanju kretanja, zabrani okupljanja i zajedničkog kretanja, te utvrđivanju prvih i drugih kontakata sa licima zaraženim ili za koja se sumnja da su zaraženi koronavirusom, prekršajnim i krivičnim procesuiranjem lica koja se ne pridržavaju Naredbi Štaba za zaštitu i spašavanje Brčko distrikta BiH, te pratnji vozila i lica koja ulaze na Granični prelaz Brčko.

Navedenim aktivnostima je prethodilo donošenje preko 40 normativnih i drugih pravnih akata Policije koja se odnose na COVID-19, kao što su: naredbe šefa Policije i zamjenika šefa Policije, prijedlozi nacrti naredbi Štabu za zaštitu i spašavanje Brčko distrikta BiH, rješenja, obavještenja Ministarstvu bezbjednosti BiH i Graničnoj policiji, 26 saopštenja za javnost, i druga obavještenja. Takođe, sačinjeno je 146 tabelarnih izvještaja o postupanju Policije u protekla 24 sata koji su dostavljani portparolu Vlade Brčko distrikta BiH za potrebe izrade objedinjenog saopštenja za medije.

U vezi proglašenog stanja prirodne nesreće, na telefon 122, Policija je zaprimila ukupno 5.142 prijave građana. Od tog broja 865 prijave se odnose na mjere izolacije, 169 na zabranu okupljanja, 71 na zabranu kretanja lica, 89 na radno vrijeme privrednih subjekata, a 12 prijave je bilo u vezi uvećanja cijene robe, što je proslijeđeno Inspektoratu Brčko distrikta BiH na postupanje iz njihove nadležnosti.

U skladu sa Naredbama Štaba za zaštitu i spašavanje Brčko distrikta BiH, Policija je u okviru svojih ovlaštenja vršila nadzor nad provođenjem zdravstvenog nadzora i izolacije naloženih rješenjima sanitarnog inspektora. Na osnovu izdatih rješenja policijski službenici su izvršili obilazak 11.390 lica kojima je rješenjem Inspektorata određena mjera izolacije, od čega samostalno 10.978 obilaska i 412 obilazaka sa inspektorom. Takođe, od navedenog perioda policijski službenici su pružali pomoć inspektorima Inspektorata Brčko distrikta BiH prilikom

uručenja Rješenja o stavljanju u izolaciju lica, te je ukupno uručeno 2.019 rješenja, dopuna rješenja i zaključaka o izolaciji.

Policijski službenici su, počev od 13.03.2020.godine obavljali kontrolu poštivanja Odluka i Naredbi u vezi radnog vremena privrednih subjekata na cijelom području Distrikta. Svakodnevnim obilascima više od 100 privrednih subjekata, izvršeno je 18.557 obilazaka a Inspektoratu Brčko distrikta BiH je dostavljeno 76 obavještenja.

Po naredbama komandanta Štaba, od 01.04.2020. godine do 22.04.2020. godine vršena je blokada i izolacija gornjeg dijela zaseoka Peškiri, Gornji Zovik, prilikom čega je ostvaren visok nivo saradnje sa Ministarstvom unutrašnjih poslova Tuzlanskog kantona čiji pripadnici su obezbjeđivali prostor iz pravca mjesta Velino Selo u opštini Čelić.

U 2020. godini od strane policijskih službenika izvršeno je ukupno 1.187 pratnji vozila i ispraćeno ukupno 5.071 lica koja su ušla na Granični prelaz Brčko.

U predmetu COVID 19, zaprimljeno je 2.029 informacija o pozitivnim slučajevima, sačinjeno 116 službenih zabilješki, ispitano 51 lice u skladu sa Zakonom o krivičnom postupku Brčko distrikta BiH, vršena identifikacija neposrednih i posrednih kontakata sa licima koja su pozitivna na koronavirus kojom prilikom je identifikovano 17.183 posrednih i neposrednih kontakata, vršena identifikacija tzv. klastera, te je prema Pododjeljenju za Javno zdravstvo, Higijensko-epidemiološkoj službi, Inspektoratu i nadležnim policijskim agencijama upućeno 6.212 pisanih akata.

U vezi sa nepostupanjem po naredbama i odlukama donesenim na osnovu propisa nadležnog tijela kojima se određuju mjere za suzbijanje i sprečavanje epidemije korona virusa COVID-19 otvoreno je ukupno 38 predmeta/istraga.

Tokom 2020. godine, za 119 zaposlenika Policije po različitim osnovama je rješenjem sanitarnog inspektora određena mjera izolacije, od čega su 106 policijski službenici i 13 državni službenici. Od tog broja, 30 policijskih službenika i 6 državnih službenika je bilo zaraženo virusom.

U skladu sa članom 10. stav 1 tačka b) Zakona o javnim nabavkama – izuzeće od primjene ZJN, (javna nabavka čije izvršenje zahtjeva posebne mjere sigurnosti), u periodu od 17.3. do 22.4.2020. godine nabavljena su sredstva za dezinfekciju i zaštitna oprema (maske, rukavice, zaštitne naočare, zaštitna odijela) u ukupnom iznosu 17.422,84 KM.

Odlukom Skupštine Brčko distrikta BiH broj 01-02-941/20 od 22.6.2020.godine odobrena su sredstva rezerve Budžeta Brčko distrikta BiH za 2020. godinu u svrhu pokrića rashoda i izdataka nastalih tokom stanja prirodne nesreće izazvane pandemijom virusa COVID-19.

Na osnovu navedene Odluke Skupštine je dana 03.07.2020. godine izvršeno preknjižavanje izdataka za materijal sa organizacionog koda Policije na organizacioni kod 29010001–Sredstva rezerve Budžeta Brčko distrikta BiH u ukupnom iznosu 17.422,84 KM.

7. Komentar

Policiji je uručen Nacrt Izvještaja o reviziji finansijskog poslovanja za period od 01.01–31.12.2020. godine, broj: 01-02-03-13–103/20 na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Policija se nije očitovala na nalaze sadržane u Nacrtu izvještaja o reviziji. Stoga, ovaj Izvještaj predstavlja konačan Izvještaj dostavljen klijentu, bez korekcija u odnosu na Nacrt Izvještaja.

Tim za reviziju

Ljubica Tomić, dipl. oec.

Amra Mehić, dipl. oec.

8. PRILOG

Struktura planiranih i izvršenih tekućih izdataka za 2020. godinu, po pozicijama Policije prikazana je u sljedećoj tabeli:

Tabela broj 1

Ekon. Kod	Naziv ekonomskog koda	Izvršenje tekućeg budžeta za 2019. godinu	Planirani tekući budžet za 2020. god.	Izvršenje tekućeg budžeta za 2020. godinu	Procent izvršenja (5/4*100)
1	2	3	4	5	6
611000	Plate i naknade zaposlenih	9.396.752,70	10.420.390,67	9.626.010,45	92,38
611100	Bruto plate	9.256.392,79	10.214.092,67	9.477.674,60	92,79
611200	Naknade trošk. zaposl.	140.359,91	206.298,00	148.335,85	71,90
612100	Doprinos na teret poslodavca	772.696,21	810.368,35	795.374,90	98,15
613000	Izdaci za materijal i usluge	1.683.146,84	2.099.299,00	1.082.038,73	51,54
613100	Putni troškovi	77.528,36	40.000,00	24.142,97	60,36
613200	Izdaci za energiju	96.602,85	222.300,00	108.120,59	48,64
613300	Izdaci za komun. usl.	140.143,70	171.050,00	116.133,72	67,89
613400	Nabavka materijala	579.650,52	482.099,00	245.828,72	50,99
613500	Izd.za usl.prev. i goriva	210.828,22	270.200,00	192.635,71	71,29
613600	Unajmlj. imovine i opr.	6.351,00	10.700,00	8.398,03	78,49
613700	Izdaci za tekuće održ.	412.230,99	506.100,00	259.493,02	51,27
613800	Izdaci osig., bank. usl. i usl. platnog prometa	70.139,65	87.150,00	62.281,69	71,46
613900	Ugovorene usluge	89.671,55	309.700,00	65.004,28	20,99
614000	Tekući grantovi	54.546,60	80.000,00	15.085,65	18,86
	Ukupan tekući budžet	11.907.142,35	13.410.058,02	11.518.509,73	85,89

Budžet kapitalnih potreba

Tabela br. 2

Godina	Planirani kapit. budžet po god.	Izvršenje kapit. budžeta do 01.01. 2020. god.	Izvršenje kapit. budžeta u 2020. godini	Izvršeno na dan 31.12.2020. godine (3 + 4)	Neurošena sred. na dan 31.12.2020. (2 -5)	% izvršenja na dan 31.12.2020. (5/2 x 100)
1	2	3	4	5	6	7
2018.	1.326.020,55	1.294.768,53	-	1.294.768,53	31.252,02	97,64
2019.	3.490.000,00	212.103,50	1.250.868,25	1.462.971,75	2.027.028,25	41,92
2020.	2.169.032,74	-	530.001,31	530.001,31	1.639.031,43	24,43
Ukupno	6.985.053,29	1.506.872,03	1.780.869,56	3.287.741,59	3.697.311,70	47,07

Planirani i ostvareni prihodi u 2020. godini

Tabela br. 3

Red. broj	Ekon. kod	VRSTA PRIHODA	Plan za 2020.	Ostvareno u 2020. godini	% ostvarenja (4/3 * 100)
0	1	2	3	4	5
1	722111	Takse za uvjerenja	8.900,00	1.775,00	19,94
2	722114	Taksa za rješenja u upravnom postupku	3.000,00	5.240,00	174,67
3	722115	Taksa za registraciju oružja	2.000,00	1.391,40	69,57
4	722123	Taksa na zahtjev rješenja i odobr. za vršenje djelatnosti	200,00	-	-
5	722100	Administrativne takse (1 do 4)	14.100,00	8.406,40	59,62
6	722435	Naknada za izvršeni uviđaj saobraćajnih nezgoda	5.000,00	12.136,50	242,73
7	722436	Naknada za usluge pratnje specijalnih tereta	1.500,00	13.645,30	909,69
8	722438	Naknada za izdate obrasce oružanih listova	3.000,00	2.410,20	80,34
9	722441	Naknade za premještaj nepropisno zaustavljenog ili parkiranog vozila	5.000,00	4.740,00	94,80
10	722442	Naknade za izvlačenje i prenošenje vozila havarisanog u saobraćajnoj nezgodi na području Brčko d. BiH	200,00	-	-
11	722443	Nak. za krim.teh preg. voz. radi utvr. br. šasije i br. mot. sa miš. i foto dok.	600,00	140,00	23,33

12	722444	Naknada za obrasce legitim. pripadnika fizič. ili tehn. obezbj. d.	1.100,00	1.099,80	99,98
13	722445	Naknada za pokriće troškova za predavanja koji proizilaze iz nepoštovanja prop.	-	200,00	-
14	722446	Naknada za kretanje teretnih vozila gdje postoji zabrana kretanja za takva vozila	40.000,00	56.976,84	142,44
15	722452	Nak. za otkup lomlj. alu.starog željeza	200,00	-	-
16	722453	Naknada za izdate obrasce „Dozvola za nošenje oružja“	200,00	468,00	234,00
17	722454	Naknade za izdate obrasce „Potvrda o prijavi oružja“	300,00	1.099,80	366,60
18	722400	Ostale budžetske naknade (6 do 17)	57.100,00	92.916,44	162,73
19	722554	Naknada za pol. ispita i osposob. za prav. ruk. oružjem	5.000,00	3.931,20	78,62
20	722791	Ostale neplanirane uplate	-	2.020,81	-
21	723119	Novčane kazne za prekršaje koje su registrovane u registru novčanih kazni i troškovi prekršajnog postupka-Policija	1.130.000,00	861.105,66	76,20
		UKUPNO (5+18+19+20+21)	1.206.200,00	968.380,51	80,28